

Saisonbericht D3

Ja jetzt isch d'Saison 08 / 09 bereits scho sit eim Monet abgeschlosse. Di letschti Saison isch für üses Team jo ä ziemlechi „Achterbahnfahrt“ gsi. Mir hei so richtig im Chäuer unge agfange u si o ziemlech lang der blibe. Mir hei sicher vii glehrt - aber nid entsprächend chönne umsetze. Mir hei d'Spiu zum Teil sehr knapp verlore u nöch amne Sieg gsi - aber wär dr letscht Punkt nid macht cha haut eifach nid gwinne. Das het doch de scho chli ar Morau kratzt! Bim zwöit letschte Match ir Vorrundi hets när du ändlech kehrt - di letschte zwöi Spiu vor Wiehnachte hei mir de chönne gwinne!

Mir hei üs scho früech überleit, weli Müglechkeite mir äch no hei. Vii sis nid gsi - üses Team het nid überne riesegrossi Uswächsubank verfüegt - so à la YB.

Guete üse riesig Vorteil isch gsi, dass mir ä super Juniorinneabteilig hei u zu üsne zwo jüngschte no me Juniorinne hei „übercho“!

Dene Juniorinne wo extrem spontan a üser Mätche si cho ushäufe u sehr wichtige Pünkt für üs gmacht hei - genau dene wei mir no einisch ganz härzlech DANKE säge. Öiie Isatz - egau i weler Liga dir süsch spielet - isch super gsi - genau so chömet dir wyter, sigs im Volleybau oder o im „süschtige“ Bruefs- u Privatläbe. Mir hei u Fröid gha mit öich chönne ds Spiele - das het aune guete do.

Nach dere „verjüngig“ vom Team isches doch de ir Rückrundi rächt guete glüffe - nid dass mir grad jede Match gwunne hätte - aber bedütend meh aus ir Vorrundi. Somit chöi o mir ir nächschte Saison ir 4. Liga spile. Mir si no einisch mitemne blaue Oug dervo cho.

Somit blibt mir nume no ds säge - MERCI au dene - äs si vii meh Lüt gsi aus o scho - wo üs irgendwie unterstützt hei. Aune Juniorinne, aune wo üs Verbau ungerstützt hei, am Schiri, aune Coachs - dert vorauem am Iwan wo doch mängsich ar Sitelinie isch gsi u au dene wo üses Team nid glich gsi isch ☺

DANKESCHÖN

Fürs D3
Andrea